

卷五

書名 禮記註疏六十三卷
 撰者 漢 鄭玄 注, 唐 陸德明 音義, 唐 孔穎達 疏
 卷 卷五
 內容分類 經 禮 禮記 唐
 索書號 經部 彙刻 1
 編號 A 232600

彩色首頁1

東洋文化研究所漢籍目錄 編號: A 232600

東洋文化研究所漢籍目錄所藏漢籍善本全文影像資料庫 索書號: 經部 彙刻 1

漢籍善本全文影像資料庫文本禮記註疏六十三卷

版權所有: 東京大學 東洋文化研究所

使用上的注意事項

禮記註疏卷之一

漢鄭氏註

唐孔穎達疏

禮記

○陸德明音義曰此記

疏

正義曰夫禮者經天地

地未分之前故禮運云夫禮必本於太一是天地未
 分之前已有禮也禮者理也其用以治則與天地俱
 興故昭二十六年左傳稱晏子云禮之可以為國也
 久矣與天地並但于時質略物生則自然而有尊卑
 若羊羔跪乳鴻雁飛有行列豈由教之者哉是三公
 既判尊卑自然而有但天地初分之後即應有君臣
 治國但年代縣遠無文以言案易緯通卦驗云天皇
 之先與乾曜合元君有五期輔有三名公卿大夫也又云
 事五行王亦有五期輔有三名公卿大夫也又云遠
 皇始出握機矩註云遂皇謂遂人在伏犧前始王天

所究研京東院學化文方東

No. 2390

DE

0 1 2 3 4 5 6 7 8 9 10 1 2 3 4 5 6 7 8 9 10



禮記註疏卷第五

漢鄭氏註

唐孔穎達疏

曲禮下

五官之長曰伯

謂為三公者周禮九命作伯。長竹丈反後

皆同是職方。職主也是伯分主東西者春秋傳曰自

陝以東周公主之自陝以西召公主之一相處乎內

是或為氏。陝式冉反依字當作陝何休註公羊傳云弘農陝縣是也。一云當作邾古洽反謂

王城邾鄒也召時照反。又作邵音同相息亮反。五官至職方。正義曰此一節總論二伯及州牧諸

禮記疏

卷之五

及古

侯等稱謂今各依文解之。五官之長曰伯畿外之
 大莫大於二伯故此先言之也。五官者即司徒以下
 五官也。云長者謂三公無職故不在五官之中。即三
 公加一命出為分陝二伯者也。伯長也。謂朝廷之長
 言此二伯為內外官之長是職方者言二伯於是職
 主當方之事也。職主至乎內。正義曰引公羊
 傳證周家二伯所主之事隱五年公羊傳云天子三
 公者何天子之相也。則何以三自陝而東者周公主
 之自陝而西者召公主之一相處乎內又案三公八
 命者堯時為四伯故詩崧高註云當堯時姜氏為四
 伯至堯之末分置八伯故虞書傳云元祀巡守四岳
 八伯舜之元祀有八伯明堯未置之夏則無文殷則
 改置二伯與周同故王制云八州八伯又云天子之老
 二人曰二伯是也。其擯於天子也

曰天子之吏擯者辭也。春秋傳曰王命委之三吏
 謂三公也。擯必刃反。天子同姓謂之伯父異姓謂



之伯舅自稱於諸侯曰天子之老於外曰公於其國

曰君稱之以父與舅親親之辭也外自其私土之

外天子畿內。天子謂之伯父本。其擯至之吏。

伯也擯謂天子接賓之人也。若擯者傳辭於天子則

稱此二伯為天子之吏也。亦當言名也。記者畧可知


也。然擯呼在朝三公亦為天子之吏。若然玉藻云伯

曰天子之力臣者謂介傳命稱天子力臣擯者受辭

傳於天子則曰天子之吏。擯者至公也。正義

曰引證呼三公並為吏之意也。此左傳成二年晉使

鞏朔獻齊捷于王。王命委之三吏。杜預註云三吏三
 公也。於時王不見鞏朔。王命委付三公。接對之故云
 委之三吏。天子同姓謂之伯父者。此三公與王同
 姓者。王呼為伯父。伯者長大之名。父乃同姓重親之
 稱也。異姓謂之伯舅者。長大之名。父乃同姓重親之
 父稱。故呼為伯舅。亦親之故也。案晉文公為二伯左



傳僖二十八年云王曰叔父不稱伯者以州牧之禮命之故稱叔也然晉既稱叔父所以昭九年云伯父惠公歸自秦而誘以來又云我在伯父猶衣服之有冠冕晉稱伯父者以晉既稱伯父又以晉為州牧又為二伯若以州牧為禮稱之則曰叔父若以二伯之禮稱之則曰伯父故晉或稱伯或稱叔也周公分陝為二伯詩稱王曰叔父者成王以本親命之晉文侯仇為伯尚書直云父義和不云伯者親親之也又二伯稱天子之老自敬以下曰寡人僖四年齊桓公對楚屈完稱不穀者謙也凡常諸侯皆稱寡人莊十一年宋災魯往弔之宋閔公稱孤者傳云列國有凶稱孤禮也以有凶災故降名稱孤者自稱於諸侯曰天子之老者二伯若與九州及四夷之諸侯言已自謂天子之老係於天子言之以威遠國也於外曰公者外者其私土采地之外也而猶在王畿之內如周公食邑於周嚮國外之人其自稱則曰公也於其國曰君者其國采地內也若與采地內臣民言則自稱曰君其既主分陝又在王朝嫌不正為采地君故

明之也不云自稱承上可知也。國稱之至畿內。正義曰自稱為公正在畿內耳畿外則曰天子之老也。

九州之長入天子之國曰牧。每一州之中天子

選諸侯之賢者以為之牧也周禮曰乃施典於邦國

而建其牧。天子同姓謂之叔父異姓謂

之叔舅於外曰侯於其國曰君。牧尊於大國之君

而謂之叔父辟二伯也亦以此為尊禮或損之而益

謂此類也外自其國之外九州之中曰侯者本爵也

二王之後不為牧。天子同姓謂之叔父異姓謂

據周禮也天子於每州之中選取賢侯一人加一命使主一州為牧若入天子國則自稱曰牧牧養也言

豐已充 卷之五三 及古同

其養一州之人故周禮八命作牧是也然伯不云入天子國者伯不出故不言入耳州長云入曰牧出則否也崔靈恩云州長自稱也白虎通云往來牧視諸侯也。天子同姓謂之叔父異姓謂之叔舅者牧劣於二伯故天子謂之叔叔小也父舅義如前一本云天子同姓然則二伯云其擯於天子曰天子之吏此不云擯於天子是記者畧之也故下云諸侯見天子鄭云為州牧則曰天子之老臣某侯某是也。於外曰侯者外謂其所封外九州內也自稱曰侯侯是本爵不云牧自稱承前可知也。於其國曰君者若與國內臣民言猶自稱為君也。○**註**牧尊至為牧。正義曰大國之君是侯使稱伯今選侯之賢者加一命為牧則是尊貴於不牧之侯而不謂為伯降呼為叔父者分陝已稱伯今牧若又呼為伯則亂於分陝若猶呼本稱則不見其異故呼為叔亦異常也云禮或損之而益謂此類也者崔云覲禮大國之君同姓謂之伯父異姓謂之伯舅此小者同姓謂之叔父異姓謂之叔舅此各當一國不嫌敵二伯州牧雖為侯封




皆是大國之君本自稱伯牧今總攝眾國嫌其敵義故更稱叔此是損也叔名雖損即是明其為牧故謂之為益故云損之而益謂此類也熊氏云三夫人致飲有醴清醫醢糟不體王故申得二飲后致飲醫醢糟以體王故屈二飲亦是損之而益之類也云二王之後不為牧知不為牧者以二王之後其爵稱公今此經云九州之長曰牧於外曰侯不言於外曰公故知二王之後不為牧牧用侯以下二王之後所以不為牧者以其先祖嘗為天子統領海內若更遣為牧恐有專權之心故也**其在東夷北狄西戎南蠻雖大曰子****註**謂九州之外長也天子亦選其諸侯之賢者以為之子子猶牧也入天子之國曰子天子亦謂之子雖有諸伯之地本爵亦無過子是

以同名曰子**疏**其在至曰子。正義曰此天子亦選其中賢者為之牧也但不知幾國立

一人耳卑不得名為牧又不得謂為父舅其本爵不過于男若其本爵子者今朝天子擯辭曰子若本爵是男亦謂為子也所以爾者舉其高者言之亦尊異故也不云入天子國及不云擯者畧可知也故爾雅云九夷八狄七戎六蠻謂之四海李巡注四海遠於四荒晦冥無形不可教誨故云四海也海者晦也言其晦暗無知案爾雅所列與此同但數異爾。謂九至曰子。正義曰其或有多功益土雖加侯伯之地而爵不得進終守子男以卑遠故也今雖別為牧長而同呼為子不得過本爵也

於內自稱
曰不穀 與民言之謙稱穀善也。謙稱也。於外自稱曰王老。威遠國也外亦其戎狄之中。於內至王曰謂其國之外夷狄之中也以為牧長恐夷狄難服須尊名威之故與一切言自稱曰我是天子之老臣也崔云方伯牧稱天子之老四夷之長稱曰王老方伯之職帶三公之任猶謂之內臣化同天子無有歸



往之義故云天子之老四夷之君去王遠由有歸往之義賢始得為長故以王老為稱也

庶方小侯入天子之國曰某人於外曰子自稱曰孤 謂戎

狄子男君也男者於外亦曰男舉尊言之

正義曰庶衆也小侯謂四夷之君非為牧者也以其賤故曰衆方也若入王國自稱曰某人若牟人介人也六服之內但舉伯之與牧不顯其餘諸侯九州之外既舉大國之子又舉其餘小國者以六服諸侯下文別更具顯故於此畧之。於外曰子者此君在其本國外四夷之中自稱依其本爵或子或男今言子是舉其尊稱耳若男亦稱男也。自稱曰孤者若自與臣民言則曰孤孤者特立無德能也凡二伯自稱及介傳命曰天子之力臣故玉藻云伯曰天子之力臣是也若擯者傳命於天子則曰天子之吏故此云擯於天子則曰天子之吏具也於諸侯及朝廷則曰天子之老則此文及昭公十三年劉獻公對晉叔向

云天子之老是也九州之長及介傳命則曰某土之守臣某知者玉藻云若其擯者傳命於天子則曰天子之老臣某侯某知者約此文天子之老及下文云某侯某其餘諸侯介傳命云某土之守臣某知者亦約玉藻文也擯者傳命云某侯某知者約下文也凡九州之外大國之子介傳命某屏之守臣某故玉藻又云其在邊邑曰某屏之守臣某是也擯者告天子稱某子某與中國諸侯同庶方小侯介傳命云某土之孤某知者玉藻云小國之君曰孤是也擯者告天子亦應云某孤某知者約尋常諸侯稱某侯某但稱孤為異耳其二伯以下對天子皆稱名也

天子當依而立諸侯北面而見天子曰覲天子當宁而

立諸公東面諸侯西面曰朝臣諸侯春見曰朝受摯

於朝受享於廟生氣文也秋見曰覲一受之於廟殺



氣質也朝者位於內朝而序進覲者位於廟門外而

序入王南面立於依宁而受焉夏宗依春冬遇依秋

春秋時齊侯唁魯昭公以遇禮相見取易畧也覲禮

今存朝宗遇禮今亡○依本又作宸同於豈反註同

賢遍反下文註除相見皆同覲其斬反宁徐珍呂反

又音儲門屏之間曰宁夏戶嫁反唁音彥穀梁傳云

弔失國曰唁○天子至曰朝○正義曰此一節論諸

易以豉反○侯四時朝覲宗遇之法各隨文解之

○天子當依而立者依狀如屏風以絳為質高八尺

東西當戶牖之間繡為斧文也亦曰斧依故覲禮云

禮記

卷之五


禮記

立負之而南而以對諸侯也凡諸侯朝王一年四時
 案宗伯春曰朝夏曰宗秋曰覲冬曰遇鄭註朝猶朝
 也欲其求之早宗尊也欲其若不期而俱至若通而言
 勤王之事遇猶偶也欲其若不期而俱至若通而言
 之悉曰朝從初受各覲禮云諸侯前朝皆受舍于朝
 又云乘墨車載龍旂弧韜乃朝又春秋僖二十八年
 夏五月經曰公朝於王所知朝通名也但朝覲宗遇
 禮異耳案大行人云侯服歲壹見甸服二歲壹見男
 服三歲壹見采服四歲壹見衛服五歲壹見要服六
 歲壹見隨服更來周而復始然而六服分來又每方
 服別分爲四分一分朝春一分宗夏一分覲秋一分
 遇冬四方並然故鄭註云其朝貢之歲四方各四分
 趨四時而來或朝春或宗夏或覲秋或遇冬要服之
 外有夷鎮藩三服案大行人云九州之外謂之藩國
 世壹見鄭註云世謂父死子立及嗣王即位乃一來
 耳六服之中服數朝外又有四名一是時見曰會者
 若諸侯有不與東方諸侯共討之若南方諸侯不服
 則與東方諸侯共討之若南方諸侯不服則與南方




方諸侯共討之諸方皆然朝竟王乃爲壇於國外與
 之會盟春於國東夏南秋西冬北會則隨事無有定
 期有時而然故曰時見曰會也二曰覲見曰同者天
 子十二年一巡守或應巡守之歲而天下未平或王
 有他故不獲自行則四方諸侯並朝京師朝竟亦於
 國外爲壇以命之政事殷衆也其來既衆故曰覲見
 曰同也三曰聘聘曰問者謂王有事諸侯非朝王之
 歲不得自來遣大夫來聘因而問王起居此亦無常
 期故曰聘聘曰問也四曰覲覲曰視者謂元七年
 十一年唯聘有侯服來朝者既少諸侯遣卿大夫以
 大禮來聘聘者既衆故曰覲覲亦諸侯遣卿大夫以
 起居故曰覲覲也五曰覲覲亦諸侯遣卿大夫以
 各隨方逐時但每方分爲四耳故鄭註大行人云
 其殷同四方四時分來如平時也鄭既云四時分來
 如平時而前六服初時唯云四時也然所以殷覲不
 見四時者小禮趨四時明其同也然所以殷覲不須分
 是秋於廟受覲禮也諸侯來朝至於近郊王使大行

人皮弁用璧以迎勞之諸侯亦皮弁從使者以入天子賜舍諸侯受舍聽天子之命其朝日未出之前諸侯上至朝日質明諸侯禕冕先釋幣於其齊車之行主天子衮冕在廟當依前南面而立不迎賓諸侯自廟門外位天子使上擯進諸侯於坐取圭玉升堂王受玉者命升西階親授諸侯於是坐取圭玉升堂王受玉是當依而立之時也。諸侯北面而見天子曰覲者王既受玉而諸侯降階竝北面再拜稽首擯者延之使升成拜是北面曰覲時所以同北面者覲遇秋冬陰氣質斂故不布散。天子當寧而立者此為春夏受朝時也。寧者爾雅云門屏之間謂之寧郭註云人君視朝所寧立處李巡云正門內兩塾間曰寧謂天子受朝於路門外之朝於門外而寧立以待諸侯之至故云當寧而立也。然路門外有屏者即樹塞門是也。爾雅云正門謂之應門又云屏謂之樹李巡云字當門自蔽名曰樹郭云小牆當門中今案李郭二註




以推驗禮文諸侯內屏在路門之內天子外屏在路門之外而近應門者也。諸公東面諸侯西面曰朝者王既立寧諸侯次第而進諸公在西諸侯在東而朝王陽氣文也故因文而分布也。崔云地道貴右公故在西也。然此是春朝也。先受朝竟然後入廟受享也。○**圖**諸侯至今亡。正義曰庭實受之於廟生氣也。○**圖**諸侯至今亡。正義曰庭實受之於廟生氣也。文也。陽生之時其氣文舒而布散故分於兩處受也。云秋見日觀一受之於廟一併朝享皆廟受之殺氣質也。此陰殺之時其氣質斂故併於一處受之也。云朝者位於內朝而序進者此內朝即路門外朝也。對臯門內三槐九棘之外朝故稱內也。若對路寢庭朝又為外故文王世子云朝於外朝則以官是也。崔云諸侯春夏來朝各乘其命車至臯門外陳介也。天子車時在大門內傳辭既訖則乘車出大門下車若升朝之時王但迎公自諸侯以下則隨之而入更不別迎也。入至文王廟門天子還服朝服立於路門之外諸侯更易服朝服執贄而入應門而行禮故王當寧以待諸侯次第而進故云序進謂入應門諸公東面

諸侯西面若熊氏之義則朝無迎法唯享有迎諸侯之禮案觀禮諸侯乘墨車而入朝鄭云墨車者大夫制也入天子之國車服不可盡同也云觀者位於廟門外而序入者其宿受位次在廟門外至朝之旦秋冬王不出迎其尊卑各在其次中未得相見聽上擯進之乃於位次第而入故云序入也云王南面立於依寧而受焉者二處皆南面也云夏宗依春冬遇依秋者陰陽同各相依也云春秋時齊侯唁魯昭公以遇禮相見取易畧也者此引證宗依朝遇依觀非唯竝之為異其禮有難易繁省之殊也穀梁傳曰弔失國曰唁魯昭公伐季氏不勝而出故春秋昭二十五年九月公孫於齊次于陽州齊侯唁公於野井公羊云以人為菑以幣為席以鞶為几以遇禮相見是也分六服隨服而朝則六年一遍此鄭康成之義尚書六年五服一朝而孔註云五服一朝侯甸男采衛六年一朝會京師孔鄭不同孔以昭十三年左傳云歲聘以志業間朝以講禮再朝而會以示威再會而盟以顯昭明以為諸侯三年一朝六年一會十二年一



盟是周之正朝法也其大行人依服數見者是諸侯遣使貢獻而見耳知觀在廟者此云當依而立觀禮又有負斧依及侯氏入廟門告聽事鄭註云告王以國所用為罪之事大行人云廟中將幣三享故也知在文王廟者聘禮云不腆先君之祧明天子受觀於廟之祧可知也又案觀禮同姓西面異姓東面鄭註分別同姓異姓者受之將有先後也則是觀禮之法先同姓後異姓若然案檀弓註云朝觀爵同同位則爵尊先見觀禮見不同者二文雖異其意則同就爵同之中先受同姓之朝周之盟會亦先同姓也故定四年祝佗稱踐土之盟載書云晉重魯申蔡甲午鄭捷齊潘鄭雖小國而在齊上故隱十一年傳云周之宗盟異姓為後若其餘盟分國大小為次故襄二十七年宋之盟晉楚爭先楚人先敢是也必知然者案杜預釋例云若王官之伯主盟異姓為後其餘則否也凡天子三朝其一在路門內謂之燕朝大僕掌之故大僕云王祇燕朝則正其位文王世子云公侯朝於內朝親之也此則王與宗人圖其嘉事及王退侯

大夫之朝也其二是路門外之朝謂之治朝司士掌之故司士云正朝儀之位王南鄉三公北面東上孤東面北上卿大夫西面北上王族故士虎士在路門之右南面東上大夫西面大僕從者在路門之左南面西上此是每日視朝之位其王與諸侯賓射亦與治朝同故射人云三公北面孤東面卿大夫西面諸侯在朝則皆北面不云王族故士虎士大僕大右者文不具耳不云士者鄭註云此與諸侯射士不與案諸侯大射士立於西方東面是天子大射士亦預禮也其三是臯門之內庫門之外謂之外朝朝士亦預禮故朝士云左九棘孤卿大夫位焉右九棘公侯伯子男位焉面三槐三公位焉此是詢衆庶之朝也凡朝三公北面者以其貴臣答王之義也孤及諸侯東面者尊之故從賓位卿大夫西面者君之臣子統於君也士門西東面者以其卑賤故外之其外朝孤與士辟諸侯故就東方西面同其位案燕禮云卿西面大夫北面士門西東面大射亦然知諸侯有路門外朝者案玉藻云君朝服日出而視朝退適路寢是也其



外詢衆庶之所經雖無文亦當與天子同其位無三公及諸侯當同燕禮大射之位若然周禮天子有射朝燕儀禮諸侯有燕朝也射雖無正朝當與天子同則天子諸侯皆三朝也

諸侯未及期相見曰遇相見於郤地曰會諸侯使大夫問於諸侯曰聘約信曰誓涖牲曰盟及至也郤閒

也涖臨也坎用牲臨而讀其盟書聘禮今存遇會誓

盟禮亡誓之辭尚書見有六篇徐丘逆反涖音利


音明徐音亡幸反郤閒如字又音諸侯至曰盟

閑坎苦感反徐又苦敢反後同正義曰今若未

至前所期之日及非所期之地而忽相見則並用遇禮相接故曰遇也所以爾者遇禮易畧既期未至故用簡易禮也相見於郤地曰會者此謂及期之禮

郤閒也既及期又至所期之地則其禮閒暇諸侯

使大夫問於諸侯曰聘者聘問也謂遣大夫往相存
 問。約信曰誓者亦諸侯事也約信以其不能自和
 好故用言辭共相約束以爲信也若用言相約束以
 相見則用誓禮故曰誓也鄭註司寇云約言語之約
 束也。涖牲曰盟者亦諸侯事也涖臨也臨牲者盟
 所用也。盟者殺牲歃血誓於神也若約束而臨牲則
 不得擅相與盟唯天子巡守至方嶽之下會畢然後
 乃與諸侯相盟同好惡獎王室以昭事神訓民事君
 凡國有疑則盟詛其不信者及殷見曰同並用此禮
 後至於五霸之道卑於三王有事而會不協而盟
 之爲法先鑿地爲方坎殺牲於坎上割牲左耳盛以
 珠槃又取血盛以玉敦用血爲盟書成乃歃血而讀
 書知坎血加書者案僖二十五年左傳云坎血加書
 又襄二十六年左傳云歃用牲加書是也知用耳者
 戎右職云贊牛耳知用左者以誠者用左耳故也知
 珠槃玉敦者戎右職云以玉敦碎盟又玉府云則共
 珠槃玉敦知口歃血者隱七年左傳云陳五父及鄭



伯盟歃如志又襄九年云新與楚盟口血未乾是也
 異義云禮約盟不令春秋公羊說古者不盟結言而
 退故穀梁傳云誥誓不及五帝盟詛不及三王交質
 子不及二伯且盟非禮故春秋左氏云周禮有司盟
 之官殺牲歃血所以盟事神明又云凡國有疑盟詛
 其不信者是知於禮得盟許慎謹案從左氏說以太
 平之時有盟詛之禮鄭氏不駁從許慎義也盟詛不
 及三王非鄭所用然盟牲所用許慎據韓詩云天子
 諸侯以牛豕大夫以犬庶人以雞又云毛詩說君以
 豕臣以犬民以雞又左傳云鄭伯使卒出豶行出犬
 雞以詛射穎考叔者又云衛伯姬盟孔悝以豶鄭云
 詩說及鄭伯皆謂詛小於盟周禮戎右職云盟則以
 玉敦碎盟遂役之鄭註云於盟周禮戎右職云盟則以
 下云贊牛耳桃菊又左傳云孟武伯問於高柴曰諸
 侯盟誰執牛耳然則盟者人君以牛伯姬盟孔悝以
 豶不人君也皇氏以爲春秋時盟乃割心取血故定
 四年鑪金云王割子期之心與隨人盟杜云當心前
 割取血以盟示其至心是也。圖及至至六篇。正

義曰鄭註司盟云盟者書其辭於策殺牲取血坎其牲加書於上而埋之謂之載書云聘禮今存遇會誓盟禮亡誓之辭尚書見有六篇者一曰甘誓夏啓伐有扈氏誓羣衆二曰湯誓謂湯伐桀誓羣臣也三曰泰誓武王伐紂度孟津誓救士衆之辭也四曰牧誓武王伐紂於牧野時所作五曰費誓徐戎作難魯侯伯禽誓羣臣與兵伐之也六曰秦誓秦穆公襲鄭不從蹇叔之謀果敗諸峭後穆公悔過與羣臣自誓也

諸侯見天子曰臣某侯某謂嗇夫承命告天子辭也

其爲州牧則曰天子之老臣某侯某奉珪請覲音色

其與民言自稱曰寡人謙也於臣亦然自謂一本作自稱

其在凶服曰適子孤凶服亦謂未除喪音的臨祭

祀內事曰孝子某侯某外事曰曾孫某侯某稱國



者遠辟天子死曰薨亦史書策辭復曰某甫復矣

某甫且字既葬見天子曰類見代父受國類猶

象也執皮帛象諸侯之禮見也其禮亡言諡曰類象也

使大夫行象聘問之禮也言諡者序其行及諡所宜

其禮亡其行諸侯使人使於諸侯使者自稱曰寡

君之老繫於君以爲尊也此謂諸侯之卿上大夫

使於色諸侯至之老正義曰此一節明諸侯

吏反下同及臣稱謂之法各隨文解之諸侯謂

五等諸侯見天子而擯者將命之辭也同得稱臣故


曰臣也某侯某者若言齊侯衛侯下某是名若伯

豐已充

卷之五十二

及古

嗇夫蓋司空屬也為未擯承命於侯氏末介傳而上
 帛皮圭之禮奉以白於天子也音義隱云嗇夫圭諸侯所齎幣
 子之老臣某侯某者若為州牧既尊若來見故擯者
 加此四字也前州牧闕此故鄭補言之也云奉珪請
 覲是鄭意述擯者之辭文無所出也○其與民言自
 稱曰寡人此亦自與民言法也寡人者言已寡德
 之人○其在凶服曰適子孤者謂擯者告賓之辭知
 者雜記云相者告曰孤某須矣但彼文不云適子文
 不備此直云適子孤不云名亦文不具也稱孤稱名
 者皆謂父死未葬之前也故雜記云孤某須矣下則
 云既葬蒲席明孤某是未葬也凡諸侯在喪之稱公
 羊未葬稱子某者莊三十二年子般卒襄三十一年
 子野卒皆是君薨未葬稱子某也既葬稱子則文公
 十八年子惡卒經書子卒是也踰年稱君者則僖公
 十年里克殺其君卓及文公元年公即位是踰年稱
 君也謂臣子稱君也若其君自稱猶曰子故公羊傳
 文九年諸侯於其封內三年稱子是也案昭十一年



楚滅蔡執世子有其時蔡君已死其子仍稱世子者
 何休云稱世子者不許楚之滅蔡也猶若君存然故
 猶稱世子文十四年九月齊商人弑其君舍舍為君
 商人之弑也襄二十九年吳子使季札來聘先君未
 踰年吳稱子者賢季子故錄之桓十一年鄭忽出奔
 衛先君既葬而尚稱季子故錄之桓十一年鄭忽出奔
 也辭無所貶何休云直以喪降稱名無餘罪致貶凡
 以王事出會未踰年皆稱子僖九年會於葵丘未襄
 公稱子僖二十八年會於踐土陳共公稱子定四年
 會召陵陳懷公稱子皆未踰年會王事而稱子也若
 未踰年非王事而稱爵者皆譏耳成四年鄭伯伐許
 是也從上以來皆公羊之義也其左氏之義君薨未
 葬未行即位之禮前稱子某子般子野是也其出會
 諸侯未葬之前稱子故僖九年左氏傳云凡在喪王
 曰小童公侯曰子葬丘之會宋襄公稱子踐土之會
 陳共公稱子是也葬雖未踰年則稱君則晉里克弑
 其君卓齊商人弑其君舍是也文十八年子惡卒先
 君葬後稱子者杜預云時史畏襄仲不敢稱君故云

子也其王事出會則稱爵成四年鄭伯伐許是也案
 桓十三年經書衛惠公稱侯成十三年經書宋公衛
 侯此並先君未葬而稱爵者賈服註譏其不稱子杜
 預云非禮也僖二十五年會衛子莒慶盟於洮時先
 君已葬衛成公猶稱子者杜預云善其成父之志故
 上繫於父而稱子服虔亦云明不失子道成十年晉
 侯伐鄭時厲公父景公患未薨而厲公出會稱爵譏
 其生代父位不子也此皆左氏之義公羊以奚齊僖
 九年死卓子十年死以卓子踰年故稱君左氏卓子
 亦九年死但赴告在十年以葬後故稱君左氏公羊
 二傳不同也公羊以成四年鄭伯伐許非王事未踰
 年而稱爵譏之也左氏則以鄭伯伐許為王事雖未
 踰年得稱爵當與公羊異鄭駁異義從公羊義以鄭
 伯伐許為非禮及公羊未踰年為王事皆稱子即宋
 襄公稱子陳共公稱子是也左氏未踰年為王事皆
 稱爵鄭駁異義引宋襄公稱子從公羊說以為稱子
 禮也○外事曰曾孫某侯某○外事謂社稷山川在
 封內者也天子外事言嗣王某諸侯不得稱嗣侯但



稱會孫所以然者天子尊謂能繼天德而立也諸侯
 無德不繼嗣為侯故不云嗣但是父祖重孫故言會
 孫也○死曰薨者此謂諸侯死而國史策辭也若異
 國史書之則曰卒也在四夷不言亦賤畧也自此
 以下皆然○國亦史書策辭○正義曰上文云天王
 崩書策辭今諸侯云薨故亦史策辭若告於諸侯則
 辭當謙退故雜記云赴於諸侯曰寡君不祿○復曰
 某甫復矣天子復則曰天子諸侯不可復云諸侯復
 故呼其字言某甫故鄭註前文諸侯呼字是也○既
 葬見天子曰類見○此諸侯世子父死葬畢而見於
 天子禮也類象也言葬後見於主而執皮帛以象諸
 侯見故曰類見然春秋之義三年除喪之後乃見而
 今云既葬者謂天子或巡守至竟故得見天子未葬
 未正君臣故雖天子巡守亦不見也○言諡曰類○
 言諡謂將葬就君請諡也凡諡既是表德故由尊者
 所裁當未葬之前親使人請之於天子若檀弓云其
 子成請諡於君曰日月有時將葬矣請所以易其名
 者是言諡於君也而曰類者玉肅云請諡於天子必


以其實為諡類於平生之行也何胤云類其德而稱之如經天緯地曰文也鄭云使大夫來行聘問之禮也今案鄭旨謂吉時遣大夫行則曰聘今請諡使大夫不得曰聘而名曰類言類相聘而行此禮也故云言諡曰類也。○**禮**使大至禮亡。○正義曰言象聘問之禮者。○中類字言此類聘問之禮請諡於天子。○諸侯至之老。○玉藻云上大夫曰下臣擯者曰寡君之老下大夫自名擯者曰寡大夫此云自稱曰寡君之老則上大夫擯者傳辭及自稱於他國亦曰寡君之老稱於已君則玉藻云下臣某。

天子穆穆諸侯皇皇大夫濟濟士蹇蹇庶人僬僬皆

行容止之貌也聘禮曰賓入門皇又曰皇且行者曰

衆介北面鏘鏘焉凡行容尊者體盤卑者體蹇。○**禮**

反蹇本又作鶴或作鏘同士良反。○**禮**天子至僬僬。○**禮**焦子妙反盤步丹反蹇子六反。○**禮**正義曰此一節



論天子至庶人行容之貌云天子穆穆者威儀多貌也天子尊重故穆穆成儀多也。○諸侯皇皇者自莊盛也諸侯不及穆穆而皇皇莊盛鄭註聘禮云皇皇莊盛也。○大夫濟濟者濟濟徐行有節大夫降於諸侯不得自莊盛但徐行而已也。○士蹇蹇者鄭註聘禮云容貌舒揚也案鄭意則不得濟濟也但舒揚而已。○庶人僬僬者卑盡之貌也庶人卑賤都無容儀竝。○行而巳崔云凡形容下不得兼上上得兼下故詩有濟濟文王穆穆魯侯者詩人頌美舉盛以言非對例也。○**禮**聘禮至體蹇。○正義曰引聘禮證皇皇是容儀也此是入門時容也又曰皇且行者又證行時容也然皇是諸侯之容聘禮人臣而云皇者執玉入廟門得進其容亦如其君行禮宜已也若在衆介士也卑故不得進容猶蹇蹇而已云凡行容尊者體盤卑者體蹇尊者體盤穆穆皇皇卑者體蹇蹇蹇是也。

天子之妃曰后后之言後也。妃芳非反。諸侯曰夫人夫之言扶。大夫曰孺人。孺之言屬。孺而樹反。士曰婦

人婦之言服。庶人曰妻。妻之言齊。公侯有夫人。有世婦。有妻。有妾。貶於天子也。無后與嬪去上中。

去。差。呂反。夫人自稱於天子曰老婦自稱於天子謂畿內諸侯之夫人助祭若時事見自稱於諸侯。

曰寡小君謂饗來朝諸侯之時自稱於其君曰小童自世婦以下自稱曰婢子。小童若云未成人也。

婢之言卑也。於其君稱此以接見體敵嫌其當。本或童。

作童子於父母則自名也。名父母所為也。言子者通

男女列國之大夫入天子之國曰某士亦謂諸侯

之卿也。三命以下於天子為士。曰某士者如晉韓起

聘於周。擯者曰晉士。起自稱曰陪臣某陪重也。重

於外曰子子有德之稱。魯春秋曰齊高子來盟。

證反。於其國曰寡君之老使者自稱曰某使謂

使人於諸侯也。某名也。使自稱色吏反。註使謂同本或作使者自稱。

至曰某。正義曰此一節論天子以下妃妾及臣子

稱謂之法。各隨文解之。天子之妃曰后。諸侯曰夫

人。大夫曰孺人。士曰婦人。庶人曰妻者。皆敵其夫如

王之后。故以后居前耳。妃邦君之合配。王諸侯以下

及古

禮已


禮已

禮已

禮已

禮已

通有妃義故以妃字冠之以特牲
 禮皆云某妃配某氏尊卑通稱也白虎通云后君也
 明配至尊為海內小君天下尊之故繼其王言之
 也。諸侯曰夫人者夫人之名唯諸侯得稱論
 語云邦君之妻邦人稱之曰君夫人是也。大夫曰
 孺人者孺屬也與人為親屬。士曰婦人者婦之言屬。正義
 曰案爾雅云孺屬也。士曰婦人者婦之言屬也。服
 事其夫也其婦號亦上下通稱按春秋逆婦姜於齊
 是諸侯亦呼婦也穀梁傳云言婦通稱之辭言服事
 舅姑知通名也。庶人曰妻者妻之言齊也庶人賤
 無別稱判合齊體而已尊卑如此若通而言之則上
 下通曰妻故詩曰刑於寡妻是天子曰妻也周家大
 夫妻曰內子趙姬以叔隗為內子是也。公侯至有
 妾。正義曰獨言諸侯舉其上者餘從可知也既下
 於天子不得立后故但得一人正者為夫人。有
 世婦者謂夫人之姪娣故公侯之夫人無子立姪娣
 子也質家先立姪之子文家先立娣之子。氏亦夫
 人姪娣貴於二媵則此世婦者謂夫人姪娣



二人。有妻者謂二媵及姪娣也凡六人有妾者謂
 六人之外別有其妾知者以上文云天子八十一御
 妻之外更有妾鄭註云妾賤者不入百二十人數故
 知此妾不在九女之數也。夫人至婢子此夫人數故
 畿內諸侯之妻也其助祭於后得接見天子故得自
 稱也言老而服事也以畿外諸侯夫人無見天子之
 禮此云自稱於天子故註云畿內諸侯之夫人助祭
 若時事見謂若獻繭之屬。自稱於諸侯曰寡小君
 者此諸侯謂他國君也古者諸侯相饗夫人亦出故
 得自稱也知者坊記云陽侯殺繆侯竊其夫人故大
 饗廢夫人之禮於此之前有夫人饗法故註云謂饗
 來朝諸侯之時也君之妻曰小君而云寡者亦從君
 為謙也。自稱於其君曰小童者小童未成人之稱
 也其與夫言自謙稱為小童若未成人言無知也。稱
 自世婦以下自稱曰婢子者降於夫人故並自稱婢
 子賤故也婢之言卑也嚮其夫自稱言已卑故春秋
 晉懷嬴謂公曰寡君使婢子侍執巾櫛是也註云接
 見體敵嫌其當者為其接見之時暫有體敵嫌若當

夫人然也。列國之大夫入天子之國曰某士。謂
 擯者辭也。列國五等諸侯也。天子上士三命。中士再
 命。下士一命。而五等之臣唯公國一孤。四命耳。自卿
 大夫從三命而下。其命等於王之士。故入天子之國
 則擯者稱為某國之士也。故註引春秋襄二十六年
 晉韓起聘於周。擯者曰晉士起。言晉國之士起以證
 之也。自稱曰陪臣某者。陪重也。某名也。其君已為
 王臣。已今又為已君之臣。故自稱對王曰重臣也。若
 襄二十一年晉欒盈辭於行人曰天子陪臣盈是也。
 於外曰子者。亦擯者辭。外謂在他國時也。擯者則
 稱其姓而曰子。子是有德之稱。故註引閔公二年冬
 齊高子來盟。證於外曰子也。高子高侯是也。於其
 國曰寡君之老者。其國自國中。也。其君與民言自稱
 曰寡人。故此卿若與國中人語。自稱曰寡君之老也。
 使者自稱曰某者。某名也。若此卿為使在他國與
 彼君語。則稱名也。若與彼臣民言。則自稱寡君之老
 也。使謂至名也。正義曰。知者以玉藻云。上大
 夫於他國擯者曰寡君之老。下大夫於他國擯者曰



寡大夫皆無稱名之事。玉藻又云。大夫私事使私人
 擯。則稱名。註云。私事使謂以君命私行。非聘也。若晉
 韓穿來言汶陽之田。彼以私事使稱名。此文使自
 稱曰某稱名與彼相當。故知使謂使人於諸侯也。

天子不言出諸侯不生名君子不親惡
 天子之言出

諸侯之生名皆有大惡。君子所遠。出名以絕之。春秋
 傳曰。天王出居於鄭。衛侯朔入於衛。是也。遠干諸

侯失地名滅同姓名
 絕之。天子至姓名。正義曰。此一節論天子諸


侯有罪。書出名之事。各隨文解之。天子不言出者
 天子以天下為家。策書不得言出。所在稱君。諸侯
 不生名者。諸侯南面之尊。名者質賤之稱。諸侯相見
 祇可稱爵。不可稱名。君子不親惡者。謂策書君子
 謂孔子書經。若見天子大惡。書出以絕之。諸侯大惡
 書名以絕之。君子不親此惡人。故書出名以罪之也。

○天子至是也。正義曰案僖二十四年天王出居於鄭公羊云王者無外此其言出何不能乎母也謂不能以孝事於母此鄭註天子言出大惡用公羊義也案春秋莊六年衛侯朔入於衛朔未為君之時與其母讒構世子伋及為君被逐出奔齊王立公子黔牟朔自齊而入衛以逐黔牟公羊云朔何以名絕曷為絕之犯命也謂犯王命鄭註以朔為大惡亦用公羊義也。諸侯失地名滅同姓名。春秋莊十年荆敗蔡師於莘以蔡侯獻舞歸公羊云何以名絕曷為絕之獲也此失地名也僖二十五年衛侯燬滅邢公羊云何以名絕曷為絕之滅同姓也此滅同姓名也故鄭總言之也。

為人臣之禮不顯諫 為奪美也顯明也謂明言其君

惡不幾微為奪美也 **三諫而不聽則逃之** 逃去也君

臣有義則合無義則離為人至逃之 正義曰案



公羊傳云戎將侵曹曹羈諫曰戎眾以無義君請勿自敵也曹伯曰不可三諫不從遂去之何休云諫有五一日諷諫者案定十二年公羊傳云孔子以季氏之強謂季孫曰家不藏甲邑無百雉之城季孫聞之墮費邑是諷諫也何休又云二曰順諫曹羈是也即上諫曹君無以戎敵三諫不從遂出奔陳所謂以道事君不可則止此是順諫也何休又云三曰直諫子家駒是也案昭二十五年公羊傳云昭公將弑季氏不辟君僭而言之是直諫也何休又云四曰爭諫子反請歸是也案宣十五年公羊云楚莊王圍宋子反華元乘堙相對語華元謂子反云易子而食之析骸而炊之子反謂華元吾軍有七日之糧子反勸楚王赦宋而歸楚王不可子反頻諫不聽乃引師去楚王亦歸是爭諫也何休又云五日愷諫百里子蹇叔子是也案僖三十三年公羊云秦穆公將襲鄭百里子與蹇叔子諫穆公不從百里子蹇叔子從其子而哭之是愷諫也凡諫諷諫為上愷諫為下事君雖主諫

爭亦當依微納進善言耳不得顯然明言君惡以奪君之美也。三諫不聽則逃之者聽猶從也逃猶去也君臣有離合之義有義則合無義則離若三諫不聽則待放而去也。

子之事親也三諫而不聽則號泣而隨之。至親無去

志在感動之。號戶。子之至隨之。正義曰父子


號泣而隨之冀有悟而改之然論語云事父母幾諫此不云者以其畧耳檀弓云事親無犯相互耳又云

事君有犯故此論其微檀弓言事親無犯此論其犯亦互言耳故註云至親無去志在感動之

君有疾飲藥臣先嘗之親有疾飲藥子先嘗之。嘗度

其所堪。度待。醫不三世不服其藥。慎物齊也。齊。

才細。君有疾飲藥至醫不三世不服其藥。正義曰凡人病疾蓋以筋血不調故服藥以治之



其藥不慎於物必無其徵故宜戒之擇其父子相承至三世也是慎物調齊也又說云三世者一曰黃帝針灸二曰神農本艸三曰素女脉訣又云夫子脉訣若不習此三世之書不得服食其藥然鄭云慎物齊也則非謂本艸針經脉訣於理不當其義非也

儼人必於其倫。儼猶比也倫猶類也比大夫當於大

夫比士當於士不以其類則有所褻。儼魚起反註同褻息列反

儼人至其倫。正義曰儼比也倫匹類也凡欲比方於人當以類相並不得以貴比賤則為不敬也

問天子之年對曰聞之始服衣若干尺矣。既不敢言

年又不敢斥至尊所能問國君之年長曰能從宗廟

社稷之事矣幼曰未能從宗廟社稷之事也問大夫

之子長曰能御矣幼曰未能御也問士之子長曰能

典謁矣幼曰未能典謁也問庶人之子長曰能負薪

矣幼曰未能負薪也皆言其能則長幼可知御猶

主也書曰越乃御事謂主事者謁請也謂能擯贊出

入以事請告也禮四十強而仕五十命為大夫天問

至負薪也。正義曰此謂幼少新立之王或有遠方

異域人來不知王年大小問朝廷之臣。對曰聞之

始服衣若干尺矣者臣為答之必有法則禮齒露馬

有誅而至尊體貴故臣不可輕言君年及形長短與

才技所堪故依違而對也但云聞之謙不敢言見也

云始服衣若干尺既不敢指斥即云服衣若干尺謂

或五尺或六尺隨長短而言之也幼則衣短長則衣

長問者聞之則知王之長幼也古者謂數為若干故

儀禮鄉射大射數射算云若干純若干奇若干也干

求也言事本不定常如此求之也故云若干也。問

國君之年者亦謂幼少新立為君而他人問其臣也

。長曰能從宗廟社稷之事矣幼曰未能從宗廟社

稷之事也。不言聞之及衣而言所能主國者辟天子

也。國係宗廟社稷故以所係答之也。人君十五有養


子之禮長則能主國聞其能主國則知十五以上為

長也。若聞未能主國則知十四以下是為幼也。問



禮記卷之五 問大夫之富曰有庶人年無長幼亦問其子者順上大夫士而言之。長曰能負薪矣幼曰未能負薪也者少儀云問士之子長幼長則曰能耕矣幼則曰能負薪未能負薪謂士祿薄子猶以能農事為業也與此不同者亦當有田無田之異此所言之士者是有田者故子免耕負薪而典謁。書曰越乃御事謂王事者。正義曰引大誥證御事是大夫禮四十強而仕五十命為大夫曲禮文引之釋所以不問大夫士庶人之身而問其子之義也以大夫士其年既定故不假問其年而問其子也。

問國君之富數地以對山澤之所出問大夫之富曰有宰食力祭器衣服不假問士之富以車數對問庶人之富數畜以對。皆在其所制以多少對宰邑士也。



食力謂民之賦稅。數色主反下數畜同畜許。至以對。正義曰謂問諸侯之臣求知其君封內土地所出也云富者非問其多金帛正是問其所優饒者也不問天子者率土之物莫非王有天下共見故不須問而諸侯止一國故致問也。數地以對者數土地廣狹對之也山澤之所出者又以魚鹽蜃蛤金銀錫石之屬隨有而對也。晉文公謂楚成王曰羽毛齒革君地生焉是也。問大夫之富者亦他國人問其臣也。曰有宰食力者答之也。宰邑宰也有宰明有采地即公山弗擾為季氏宰是也。食力謂食下民賦稅之力也。祭器衣服不假者謂四命大夫也。衣服祭服也。若四命大夫得自造祭器衣服故云不假。若三命以下有田者造而不備則假借也。問士之富以車數對者士有地不多亦無邑宰故其屬吏但以其車數對也。上士三命則得賜車馬也。副車隨命。中士乘棧車無副車也。問庶人之富數畜以對者謂雞豚之屬閭師云凡庶民不畜者祭無牲不耕者

禮記卷之五 問大夫之富曰有庶人年無長幼亦問其子者順上大夫士而言之。長曰能負薪矣幼曰未能負薪也者少儀云問士之子長幼長則曰能耕矣幼則曰能負薪未能負薪謂士祿薄子猶以能農事為業也與此不同者亦當有田無田之異此所言之士者是有田者故子免耕負薪而典謁。書曰越乃御事謂王事者。正義曰引大誥證御事是大夫禮四十強而仕五十命為大夫曲禮文引之釋所以不問大夫士庶人之身而問其子之義也以大夫士其年既定故不假問其年而問其子也。

禮記卷之五 問大夫之富曰有庶人年無長幼亦問其子者順上大夫士而言之。長曰能負薪矣幼曰未能負薪也者少儀云問士之子長幼長則曰能耕矣幼則曰能負薪未能負薪謂士祿薄子猶以能農事為業也與此不同者亦當有田無田之異此所言之士者是有田者故子免耕負薪而典謁。書曰越乃御事謂王事者。正義曰引大誥證御事是大夫禮四十強而仕五十命為大夫曲禮文引之釋所以不問大夫士庶人之身而問其子之義也以大夫士其年既定故不假問其年而問其子也。

祭無盛不樹者無棹不蠶者不帛不績者不衰故以畜數對鄭註周禮云始養曰畜將用之曰牲引春秋云卜曰曰牲

天子祭天地祭四方祭山川祭五祀歲徧諸侯方祀祭

山川祭五祀歲徧大夫祭五祀歲徧士祭其先


四方謂祭五官之神於四郊也句芒在東祝融后土

在南蓐收在西玄冥在北詩云來方禋祀方祀者各

祭其方之官而已五祀戶竈中雷門行也此蓋殷時

制也祭灋曰天子立七祀諸侯立五祀大夫立三祀

士立二祀謂周制也。徧音遍本亦作遍下同句古侯反芒音亡蓐音辱冥亡丁反



禮音因雷。天子至其先。正義曰此一節論天子

力救反。以下祭祀尊卑不同并論神有廢置之

事各隨文解之。天子祭天地者祭天謂四時迎氣

祭五天帝於四郊各以當方人帝配之月令春曰其

帝大皞夏曰其帝顓頊明為配天及告朔而言之其

少皞冬曰其帝顓頊明為配天及告朔而言之其


祭亦然故月令孟夏云大雩帝為命祀百辟卿士既

云祀百辟卿士明五方人帝天子亦雩祀之其夏正

郊感生之帝周以后稷配之其於明堂總享五帝以

文王武王配之故孝經說文后稷為天地之主文王

兆五帝於四郊四望四類亦如之也。祭五祀者春祭戶夏祭竈季夏祭中霤秋祭門冬祭行也。歲徧者為五方之帝迎氣雩祀明堂及郊雖有重者諸神總徧故云歲徧。諸侯方祀者諸侯既不得祭天地又不得總祭五方之神唯祀當方故云方祀。祭山川者王制云在其地則祭之亡其地則不祭是也。祭大夫祭五祀者大夫不得方祀及山川直祭五祀而已。士祭其先不云歲徧者以士祭先祖歲有四時更無餘神故也。天子祭天地者天地有覆載大功天子主有四海故得總祭天地以報其功天神有六祭之一歲有九昊天上帝冬至祭之一也。蒼帝靈威仰立春之日祭之於東郊二也。赤帝熒怒立夏之日祭之於南郊三也。黃帝含樞紐季夏六月土王之日亦祭之於南郊四也。白帝白招拒立秋之日祭之於西郊五也。黑帝汁光紀立冬之日祭之於北郊六也。王者各稟五帝之精氣而王天下於夏正之月祭於南郊七也。四月龍星見而雩總祭五帝於南郊八也。季秋大饗五帝於明堂九也。地神有二歲有二祭夏



至之日祭崑崙之神於方澤一也。夏正之月祭神州地祇於北郊二也。或云建申之月祭之與郊天相對冬至祭昊天上帝者春秋緯云紫微為天帝北極耀魄實是也。其配之人以帝嚳配之故祭法云周人禘饗是也。其五帝則春秋緯文耀鉤云蒼帝曰靈威仰赤帝曰赤熒怒黃帝曰含樞紐白帝曰白招拒黑帝曰汁光紀。祭四至制也。正義曰此經直言祭四方知非祭五天帝於四方者以上云祭天地則五帝在其中矣。故知非天帝也。案宗伯云臨辜祭四方百物知此方祀非四方百物也。案宗伯云臨辜祭四方之上與大宗伯血祭社稷五祀五嶽五祀在山川五祀之上此四方亦在山川之上。故知是五官之神云。祝融后土在南者鄭意以為黎兼為后土土位在南方故知祝融后土在南引詩云來方禋祀者是小雅大田之詩以刺幽王之無道追論成王之時太平時和年豐至秋報祭招來四方之神禋絜祭祀引之者證四方之義也。云五祀戶竈中霤門行者此月令文大宗伯五祀以為五官者以其在五嶽之上此五祀在山

川之下又與大夫同祭故知是戶竈等云此蓋殷時制也者以天子諸侯大夫同云祭五祀既無差等故疑殷時制也案王制云大夫祭五祀文與此同而鄭云五祀謂司命也中霤也門也行也厲也與此不同者王制之文上云天子祭天地諸侯祭社稷大夫祭五祀既有尊卑等級疑是周禮故引祭法五祀以解之與此不同是有地大夫祭三祀


凡祭有其廢之莫敢舉也有其舉之莫敢廢也為其

瀆神也廢舉謂若殷廢農祀棄後不可復廢棄祀農

也後有德者繼之不嫌也為于偽反**非其所祭而**

祭之名曰淫祀淫祀無福妄祭神不饗亦作無福

凡祭至無福。正義曰此明祭有常典不可輒擅廢興如殷時廢柱祀棄則後人不得復舉柱而祭



之也。有其舉之莫敢廢也者若已舉棄祀之後人不得復廢棄也。為其至不嫌也。正義曰農即柱也有農功故曰農也棄即后稷也為稷官故曰稷也尚書云棄黎民阻飢汝后稷是也云後有德者繼之不嫌也者鄭恐人疑之昔以舉柱何意廢柱祀稷乎故此解之者若後有德者繼之則不在今所言之也

天子以犧牛諸侯以肥牛大夫以索牛士以羊豕犧

純毛也肥養於滌也索求得而用之索所百反註同求也犧音全

一本作純滌直的反養**天子以犧牛諸侯以肥牛**

牲官也徐又同弔反**天子以犧牛諸侯以肥牛**

大夫以索牛皆上得兼下下不得僭上故左傳云聖王先成民而後致力於神故奉牲以告曰博碩肥膾是天子亦得以肥也又公羊云帝牲必在滌三月稷牛惟具稷有災故臨時得別求之是天子諸侯得有

索牛。大夫以索牛士以羊豕者天子大夫士也若諸侯大夫即用少牢士則用特牲其喪祭大夫亦得用牛士亦用羊豕故雜記云上大夫之虞也少牢卒哭成事祔皆大牢下大夫之虞也特牲卒哭成事祔皆少牢是也據此諸侯不得用犧牛祭義云天子諸侯必有養獸之官下云犧牲祭牲必於是取之諸侯有犧牲太牢者諸侯對卿大夫亦得云犧若對天子則稱肥耳其大夫牲體完全亦有犧牲之稱故上云大夫犧賦為次但不毛色純耳。[註]肥養於滌也。正義曰案楚語觀射父云大者牛羊必在滌三月小者犬豕不過十日然者即此大夫索牛士羊豕既不在滌三月當十日以上但不知其日數耳

支子不祭祭必告于宗子 [註]不敢自專謂宗子有故支

子當攝而祭者也五宗皆然 [註]支子至宗子。正義曰支子庶子也祖禰

廟在適子之家而庶子賤不敢輒祭之也若濫祭亦是淫祀。祭必告于宗子者支子雖不得祭若宗子



有疾不堪當祭則庶子代攝可也猶宜告宗子然後祭故鄭云不敢自專

凡祭宗廟之禮牛曰一元大武豕曰剛鬣豚曰膾肥羊

曰柔毛雞曰翰音犬曰羹獻雉曰疏趾兔曰明視脯

曰尹祭彘魚曰商祭鮮魚曰脰祭水曰清滌酒曰清

酌黍曰薺合梁曰薺其稷曰明粢稻曰嘉蔬韭曰豐

本鹽曰鹹醢玉曰嘉玉幣曰量幣 [註]號牲物者異於

人用也元頭也武迹也膾亦肥也春秋傳作膾膾充

貌也翰長聲也羹獻食人之餘也尹正也商猶量也

脰直也其辭也嘉善也稻菰蔬之屬也豐茂也大鹹

曰鱻今河東云幣帛也。反豚徒門反。豚徒忽反。註同。

本亦作豚。翰戶旦反。羹古衡反。徐又音衡。羹苦老反。

乾魚鮮音仙。脰肥頂反。徐唐頂反。薺音香。合如字。或

音閣。其字又作箕。同音。姬語辭也。王音期。期時也。稷

曰明。案音咨。一本作明。梁古本無此句。蔬本又作疏。

色魚反。韭音久。鹹本又作鹹。音咸。齏才何反。量音亮。

又音良。作膾。徒留反。輸長如字。菰音孤。本又作菰。音

同。凡祭至量幣。正義曰：此一節論祭廟牲幣告

武者元頭也。武迹也。牛若肥則脚大，脚大則迹痕大。

故云一元大武也。豕曰剛鬣者，豕肥則毛鬣剛大。

也。王云：剛鬣言肥大也。豚曰膾，肥者膾即充滿貌也。

○羊曰柔毛者，若羊肥則毛細而柔弱，故王云：柔毛

言肥澤也。雞曰翰音者，翰長也。雞肥則其鳴聲長

也。犬曰羹，獻者人將所食羹餘以與犬，犬得食之

肥，肥可以獻祭於鬼神，故曰羹獻也。雉曰疏趾者，

趾足也。雉肥則兩足開張，趾相去疏也。音義隱云：雉

之肥則足疏，故王云：足間疏也。兔曰明視者，兔肥


則目開而視明也。故王云：目精明皆肥貌也。然自牛

至兔凡有八物，唯牛云一頭而豕以下不云數者，

皆從其所用而言數也。則並宜云：若干也。雞雉為膳

及腊，則不數也。脯曰尹祭者，尹正也。裁截方正也。

用之祭一通云：正謂自作之也。脯自作則知肉之所



商祭者，稟乾也。商量也。祭用乾魚量度，燥溼得中而

用之也。鮮魚曰脰，祭者脰直也。祭有鮮魚，必須鮮

者，煮熟則脰直。若餒則敗碎不直。水曰清滌者，古

祭用水，當酒謂之玄酒也。而云清滌者，酌斟酌也。言

此酒甚清澈，可斟酌當為三酒。未必為五齊。黍曰

薺，合者夫穀稊者曰黍。稊既軟而相合，氣息又香，故

曰薺合也。梁曰薺，其者梁謂白梁黃梁也。其語助

也。鄭註：甸師云：稊稷也。爾雅云：稊稷也。註：今江東人

呼粟為稊。隋祕書監王劭勸晉宋古本皆無稊曰明

豐已荒

卷之五 二十七

案一句立八疑十二證以為無此一句為是今尚書云黍稷非馨詩云我黍與與我稷翼翼為酒為食以享以祀然則黍稷為五穀之主是案盛之貴黍既別有異號稷何因獨無美名爾雅又以案為稷此又云稷曰明案正與爾雅相合又士虞禮云明齊澣酒鄭註云或曰明齊當為明視謂免腊也今文曰明案案稷也皆非其次也如鄭言云皆非其次由曲禮有明案之文故註儀禮云非其次王劭既背爾雅之說又不見鄭玄之言苟信錯書妄生同異改亂經籍深可哀哉。○**禮**號牲至幣帛。正義曰元頭也案釋詁文元首首則頭也武述也釋訓文春秋傳作膺者桓六年左傳云博碩肥膺是也云羹獻食人之餘也者周禮彙人云掌豢祭祀之犬是也尹正也嘉善也釋言文此等諸號若一祭竝有則舉其大者牲牢酒齊而言不應諸事皆道故少牢禮稱敢用柔毛剛鬣嘉薦普淖是也或唯有雞犬或唯魚兔及水酒韭鹽之祭則各舉其美號故此經備載其名必知然者案士虞禮祝辭云尹祭鄭註云尹脯也大夫士祭無云脯者

今不言牲號而云尹祭亦記者誤矣如鄭此言明單用脯者稱尹祭以此推之餘亦可知也

天子死曰崩諸侯曰薨大夫曰卒士曰不祿庶人曰死

異死名者為人喪其無知若猶不同然也自上顛

壞曰崩薨顛壞之聲卒終也不祿不終其祿死之言


漸也精神漸盡也。顛音偵漸本**在牀曰尸**。尸陳

也言形體在也在棺曰柩。柩之言究也。柩音舊

也。天子至曰柩。正義曰此一節論死後稱謂尊也。卑不同之事各隨文解之但生時尊卑著見可

識而死陰為野土嫌若可棄而稱輕喪之故為制尊卑之名則明其猶有貴賤之異也。崩者墜壞之名

譬若天形墜壓然則四海必覩古之王者登假也則率土咸知故曰崩。諸侯曰薨者薨者崩之餘聲也



而詩云蟲飛薨薨是聲也諸侯卑死不得效崩之形但如崩後之餘聲遠劣於形壓諸侯之死知者亦局也。大夫曰卒者卒畢竟也大夫是有德之位仕能至此亦是畢了平生故曰卒也。士曰不祿者士祿以代耕而今遂死是不終其祿。庶人曰死者死者漸也漸是消盡無餘之目庶人極賤生無令譽死絕餘芳精氣一去身名俱盡故曰死今俗呼盡為漸即舊語有存者也云崩薨異號至葬同者以臣子藏其君父安厝貴賤同也。在牀曰尸者尸陳也古人病困氣未絕之時下置在地氣絕之後更還牀上所以如此者凡人初生在地既病將死故下復其初生冀脫得死重生也若其不生復反本牀既未殯斂陳列在牀故曰尸也白虎通云失氣亡神形體獨陳是也言形體在也。在棺曰柩者柩究也三日不生斂之在棺死事究竟於此也白虎通云柩究也久也不復變色然尸柩亦通名也案曾子問云如小斂則子免而從柩此謂小斂舉尸在為柩也春秋左氏傳贈死不及尸是呼未葬之柩為尸

羽鳥曰降四足曰漬

異於人也降落也漬謂相灑汗

而死也春秋傳曰大災者何大漬也

音降戶江反又音絳註同漬辭

賜反灑于廉反汗穢汗

羽鳥至曰漬。鳥獸死異

物今云其降落是知死也。四足曰漬者牛馬之屬

也若一箇死則餘者更相染漬而死今云其漬則知

死也異於人耳春秋傳曰大災者何大漬也公羊莊

死寇曰兵

異於凡人當饗祿其後祭王父曰皇祖考

王母曰皇祖妣父曰皇考母曰皇妣夫曰皇辟

更設稱號尊神異於人也皇君也考成也言其德行之

成也。妣之言媿也。媿於考也。辟法也。妻所取法也。妣必履反。辟婢亦反。徐扶亦反。稱尺澄反。死寇至皇下之稱。皆同行。下孟反。下同。媿普計反。辟。死寇曰兵。謂父祖死君之寇而子孫為名也。言人能為國家捍難禦侮為寇所殺者。謂為兵器械仗之名。言其為器仗之用也。故君恒祿恤其子孫。異於凡人也。故鄭云。當饗祿其後。春饗孤。子是也。祭王至皇。辟。此更為神設尊號。亦廣其義也。王父祖父也。皇君也。考成也。此言祖有君德已成之也。王母曰皇祖妣者。王母祖母也。妣媿也。言得媿匹於祖也。父曰皇考。母曰皇妣者。義如上。祖父母也。夫曰皇辟者。辟法也。夫是妻所取法如君故言君法也。皇君至法也。正義曰。皇君也。考成也。辟法也。皆釋詁也。文。

生曰父曰母曰妻死曰考曰妣曰嬪。嬪婦人有法度。

者之稱也。周禮九嬪掌婦學之法。教九御婦德。婦言。

婦容。婦功。

夫者以生號無別稱也。死曰考曰妣。尊故父母並曰皇也。此謂非祭時所稱也。嬪婦至婦功。正義曰。周禮九嬪掌婦學之法。教九御者。此證嬪有德之名。周禮以九嬪教宮內之婦人。學四德也。謂九御者。自世婦以下。九御而御者也。嬪所教不教后夫人及世婦。唯教九御而已。云婦德。婦言。婦容。婦功者。此九嬪所教之事也。婦德謂貞順也。婦言謂辭令也。婦容謂婉婉也。婦功謂絲枲也。此生死異稱。出爾雅。文。言其別於生時耳。若通而言之。亦通也。尚書云。大傷厥考。心又云。聰聽祖考之彝訓。倉頡篇云。考妣延年。又云。嬪于虞。詩大明云。白。

壽考曰卒。短折曰不祿。祿謂有德行任為大夫士而嬪于京。周禮九嬪之官。並非生死異稱矣。



不為者老而死從大夫之稱少而死從士之稱市。折

反任音壬又如字死壽考至不祿。此並是有德未經仕而

德不仕老而死者從大夫之稱故曰卒也若少而死

者則從士之稱故曰不祿。有德至之稱。正義

曰鄭知有德行任為大夫士而不為者若實是大夫

士前文已顯今更別云卒與不祿同大夫士之稱故

知堪為大夫士而不為者檀弓云君子曰終小人曰

死與此不同者此據年之老者從大夫之稱少者從

士之稱檀弓不據年之老少但據君子取終其成功

小人精神盡漸與此別也

天子視不上於袷不下於帶袷袷交領也天子至尊臣

視之目不過此及註同袷音切國君綏視視視國君

彌高綏讀為妥妥視謂視止於袷妥他果反大夫

衡視視視大夫又彌高也衡平也平視謂視面也士

視五步視士視得旁遊目五步之中也視大夫以上

上下遊目不得旁徐音流凡視上於面則教教教

則仰報反下於帶則憂憂憂則低傾則姦姦辟頭

旁視心不正也傾或為側辟本或作天子至則

曰此一節論天子以下其臣視君尊卑有異之事。

天子視不止於袷者袷謂朝祭服之曲領也天子至

尊臣之所視不得上過於袷過袷則慢供奉至尊須

承候顏色又不得下過於帶若下過於帶則似有憂


戚不供其事。國君綏視者國君諸侯也妥下也若

大夫衡視者衡平也人相看以面為平若大夫之視
 視大夫平看其面也故前云綏視形大夫為言士視
 五步者若視大夫以上唯直瞻上下竝不得旁視若
 士之屬吏視士亦不得高面下帶而得旁視左右五
 步也。凡視上於面則教者此解所以觀視有節限
 之義也視人過高則是教慢定十五年邾子執玉高
 其容仰高仰驕也。下於帶則憂者若視過下則似
 有憂有憂頭低垂定十五年魯公受玉卑其容俯卑
 俯替也又昭十一年秋會於厥憇單子視不登帶是
 也。傾則姦者傾欹側也若視尊者而欹側旁視流
 目東西則似有
 姦惡之意也

君命大夫與士肄肄習也君有命大夫則與士展習

其事謂欲肄所發為也。君命絕句肄本**在官言官**

在府言府在庫言庫在朝言朝唯君命所在就展



習之也官謂版圖文書之處府謂寶藏貨賄之處也

庫謂車馬兵甲之處也朝謂君臣謀政事之處也

昌慮反下皆同藏才浪反賄呼罪反字林音悔**朝言不及犬馬**非公議也

輟朝而顧不有異事必有異慮心不正志不在君

輟猶止也。輟竹劣反**故輟朝而顧君子謂之固**固謂

不達於禮也在朝言禮問禮對以禮於朝廷言無

所不用禮**君命至以禮**正義曰此一節論臣事

君命謂君有敎命有所營為也其大夫則與士先習

學所為之事備擬君之所使。在官言官者此是君

在府之事也。在庫言庫者命之在庫亦隨而習議。在朝之事也。在朝言朝者命之在朝亦隨而習議。圖文書者與府相對。唯君至處也。正義曰：知官謂版。官謂版圖。文書故周禮八法治官府。朝言至以禮。可知也。朝是謀於政教之處也。不宜私褻論議。以及犬馬也。輟朝而顧不有異事，必有異議者輟止也。異事非常之事，異慮非常之慮也。臣於朝矜莊儼恪，視不流目，若忽止朝而迴顧，此若非見異事則心有異慮也。此由不先習也。故輟朝而顧，君子謂之固者，固陋也。若身無異事，心無異慮，忽止朝而顧，君子謂此為固陋，不達禮意也。魯哀公答孔子云：寡人固不固是也。固謂不達禮也。在朝言禮問禮對以禮者，朝事既重，謀政不輕，殷勤誠之言及問對則宜每事稱禮也。故鄭註於朝廷言無所不用禮，故論語云：孔子謂顏回曰：非禮勿動，非禮勿言，非禮勿視，非禮勿聽是也。

大饗不問卜

祭五帝於明堂莫適卜也。郊特牲曰：郊

血大饗腥。

反腥音星。

不饒富。

富之言備也。備而已。

勿多於禮也。

大饗至饒富。正義曰：此大饗總祭五帝其神非一。若卜其牲日五帝總

卜而已不得每帝問卜。若其一問卜神有多種。恐吉凶不同。故鄭云：莫適卜。總一卜而已。不饒富者


富之言備也。雖曰大饗諸帝配以文武然禮數有常取備而已。不得以其大饗豐饒其物使之過禮。此經

直云大饗鄭知祭五帝於明堂者以其上文云：不問卜。又與月令：季秋大饗帝同。諸帝皆在不得每帝問

卜。若其禘之大饗則周禮宗伯：享大鬼皆卜。不得云不問卜。知非大禘也。鄭引郊特牲云：郊血大饗腥者

取大饗二字以證此大饗之文。其實彼大饗文在郊下。謂禘祭也。然此祭五帝莫適卜而禘祭五帝得

每帝問卜者以雩祭為百穀祈雨非一帝之功。故每帝適卜至於大饗之時歲功總畢配以文武祭報其



功不須每帝皆卜
故唯一卜而已

凡摯天子鬯諸侯圭卿羔大夫鴈士雉庶人之摯匹童

子委摯而退註摯之言至也天子無客禮以鬯為摯

者所以唯用告神為至也童子委摯而退不與成人


為禮也說者以匹為鶩註摯音至徐之二反本又作

木鴨也註野外軍中無摯以纓拾矢可也註非為禮

之處用時物相禮而已纓馬繁纓也拾謂射鞬本繁

作樊步丹反鞬徐音溝又古侯反一音古豆反婦人之摯棋榛脯修棗栗註

婦人無外事見以羞物也棋榛木名棋枳也有實今



邳邳之東食之榛實似栗而小反棋俱羽反榛側巾

叢也古本又作栗音壯中反云似梓實如小栗也見

賢遍反枳居紙反邳被悲反下邳也邳音談東海縣

名註其氣芬芳調暢故因謂為鬯也天子釀黑黍為酒

用鬯為摯者天子弔臨適諸侯必舍其祖廟既至諸

侯祖廟仍以鬯禮於廟神以表天子之至故鄭註鬯


人亦然也。諸侯圭者謂公侯伯也公侯伯用圭子

男用璧以朝王及相朝聘表於至也此唯云圭不言

璧者畧可知也。卿羔者鄭註宗伯云羔小羊取其

羣而不失類也白虎通云羔取其羣而不黨卿職在
盡忠率下不黨也周禮云公之孤以皮帛若諸侯適
子被王命者各下其君一等公之子如侯伯執圭侯
伯之子如子男執璧子男之子命與未命者皆以皮
帛繼子男也。大夫鴈者鄭註宗伯云鴈取其候時
而行也白虎通云鴈取飛有行列也大夫職在奉命
適四方動則當以正道事君也。士雉者雉取性耿
禮記疏 卷之五 三十四 及古

介唯敵是赴士始升朝宜為赴敵故用雉也羔鴈生執雉則死持亦表見危致命書云二生一死是也故鄭註宗伯云雉取其守介而死不失其節也然白虎通云雉取其不可誘之以食撓之以威死不可畜也士行威介守節死義不當移士擊冬雉夏牖也。庶人之擊匹者匹鶩也野鴨曰鶩家鴨曰鶩鶩不能飛騰如庶人但守耕稼而已故鄭註宗伯云鶩取其不飛遷爾雅釋鳥云舒鶩鶩郭景純云鶩音木舍人及李巡云鶩野鴨名鶩家鴨名某氏云在野舒飛遠者為鶩。童子委擊而退者童子見先生或尋朋友既未成人不敢與主人相授受拜伉之儀但莫委其擊於地而自退辟之然童子之擊悉用束脩也故論語云孔子自行束脩以上則吾未嘗無誨焉是謂童子也然凡用牲為擊主人皆食之故司士云掌擯士者膳其擊鄭司農云王食其所執羔鴈之擊玄謂膳者入於王之膳人。○**註**擊之至至也。正義曰鄭知然者以上文云天子臨諸侯於鬼神又鬯人云供介鬯是天子於諸侯有告神之義。野外軍中無擊以



纓拾矢可也。謂人在野外軍旅之中或應相見而無物可持為擊者則不以舊禮當隨時所用纓謂馬繫纓即馬鞅也拾射鞬也矢猶箭也軍在野無物故用此為擊可也不直云軍中而云野外者若軍在都邑中則宜依舊禮不可用軍物也云若非軍中而在野外亦曰時物或纓拾之徒隨所有也舉一隅耳觸類而長之則若土地無正幣則時物皆可也。婦人之擊棋榛脯脩棗栗。婦人無外事唯初嫁用擊以見舅姑故用此六物為擊也棋即今之白石李也形如珊瑚味甜美榛似栗而小也脯搏肉無骨而曝之脩取肉鍛治而加薑桂乾之如脯者所以用此六物者棋訓法也榛訓至也脯始也脩治也棗早也栗肅也婦人有法始至修身早起肅敬也故后夫人以下皆以棗栗為擊取其早起戰栗自正也必知以名為義者案莊二十四年左傳云女贄不過榛栗棗修以告度也見榛是度義之名明諸物皆取名為義案昏禮婦見舅以棗栗見姑以

納女於天子曰備百姓於國君曰備酒漿於大夫曰備

婦灑納女猶致女也婿不親迎則女之家遣人致

之此其辭也姓之言生也天子皇后以下百二十人

廣子姓也酒漿婦灑賤婦人之職婦悉報反灑所

魚敬反賤婦人之職納女至婦灑。正義曰納猶

本又有無婦字者致也致者婿不親迎則女之

家三月廟見使人致之而為此辭姓生也言致此女

備王之后妃以下百二十人以生廣子孫故云姓也

○於國君曰備酒漿者致女於諸侯也酒漿是婦人

之職也故送女而持此為辭轉卑不敢言百姓也詩

云無非無儀唯酒食是議是也。於大夫曰備婦灑

彌賤也不敢同諸侯故不得言酒漿也唯及大夫不

及士者士卑故也諸侯功成得備八妾重國廣嗣也

○納女至之職。正義曰成九年夏季孫行父如

宋致女此云納女故云納女猶致女也知婿不親迎

嫁女之家使人致女者以成九年二月伯姬歸於宋

時宋公不親迎故魯季孫行父如宋致女是也而天

子亦有親迎以否者異義云禮戴說天子親迎左氏

說天子不親迎使上卿迎之諸侯亦不親迎使上大

夫迎鄭駁異義云文王迎大嫫親迎於渭又引孔子


答哀公合二姓之好以繼先聖之後以為天地宗廟

社稷之主冕而親迎君何謂已重乎此天子諸侯有

親迎也若不親迎則宜致女云備百姓也



禮記註疏卷第五
終



禮記註疏卷第六

漢鄭氏註

唐孔穎達疏

檀弓上第三

也。陸曰：檀弓，魯人檀大丹反，姓也。正義曰：案鄭目錄云：名曰檀弓者，以其善於禮故以名篇。

鄭目錄云：名曰檀弓者，以其善於禮故以名篇。此檀弓在六國之時，知者以仲梁子是六國時人，此篇載仲梁子故知也。案子游譏司寇惠子廢適，立庶又檀弓亦譏仲子舍適孫而立庶子其事同，不以子游各篇而以檀弓為首者，子游是孔門習禮之人，未足可嘉。檀弓非是門徒而能達禮，故善之以為篇目。

公儀仲子之喪，檀弓免焉。故為非禮，以非仲子也。禮